

**Ijtimoiy soha obyektlariga suyultirilgan
uglevodorod gazini yetkazib berish bo'yicha
NAMUNAVIY SHARTNOMA**

Shartnoma tuzilgan sana

Shartnoma raqami-con

Shartnoma tuzilgan hudud

I. Shartnomaning predmeti

1.1. Gaz ta'minoti tashkiloti suyultirilgan uglevodorod gazini yetkazib berish, iste'molchi esa suyultirilgan uglevodorod gazini maishiy ehtiyoj uchun foydalanishga qabul qilish va haqini to'lash majburiyatini oladi.

II. Yetkazib beriladigan suyultirilgan uglevodorod gazining sifati va hajmi

2.1. Gaz ta'minoti tashkiloti suyultirilgan uglevodorod gazini GOST 20448-90 "Газы углеводородные сжиженные топливные для коммунально-бытового потребления" talablariga muvofiq yetkazib berish majburiyatini oladi.

2.2. Gaz ta'minoti tashkiloti iste'molchiga maishiy ehtiyoj uchun bir oyda Bir oyda yetkazib beriladigan gaz miqdori $\text{kg} \cdot (\text{m}^3)$ suyultirilgan uglevodorod gazini yetkazib berish majburiyatini oladi. Yetkazib berilgan gaz qayta sotilmaydi.

Yetkazib berish respublika bo'yicha suyultirilgan uglevodorod gazi resurslari va taqsimotining tasdiqlangan balansi doirasida amalga oshiriladi.

III. Taraflarning huquq va majburiyatlari

3.1. Gaz ta'minoti tashkiloti:

a) ushbu Shartnomaning 3.4-bandi talablariga rioya qilinmagan taqdirda tegishli dalolatnoma rasmiylashtirgan holda iste'molchiga suyultirilgan uglevodorod gazi yetkazib berishni to'xtatish;

b) iste'molchidan suyultirilgan uglevodorod gazidan foydalanishda amaldagi normativ hujjatlarga rioya etishni talab qilish huquqiga ega.

3.2. Gaz ta'minoti tashkiloti:

a) tasdiqlangan jadvalga muvofiq suyultirilgan uglevodorod gazini o'z vaqtida yetkazib berishga;

b) iste'molchiga belgilangan tartibda suyultirilgan uglevodorod gazidan foydalanish to'g'risida yo'l-yo'riq berishga;

v) suyultirilgan uglevodorod gazi bilan to'ldirilgan maishiy gaz ballonlarini iste'molchi manziliga yetkazishga;

g) texnik ko'rikdan o'tkazilmagan maishiy gaz ballonlaridan foydalanishga yo'l qo'ymaslikka;

d) maishiy gaz ballonlarini muvofiqlik sertifikatini bo'lmagan rezinali shlanglarga ulamaslikka;

ye) iste'molchining buyurtmalari o'z vaqtida va sifatli bajarilishini ta'minlashga;

j) yetkazib beruvchi zavodning kutilayotgan kechikishlar yoki suyultirilgan uglevodorod gazi yetkazib berilishi to'xtatilishi haqidagi bildirishnomasi olingan kundan boshlab o'n kalendar kun mobaynida bu haqda iste'molchini xabardor qilishga;

z) iste'molchidagi maishiy gaz ballonini suyultirilgan uglevodorod gazi bilan to'ldirish uchun yig'ish va olib ketishga;

i) suyultirilgan uglevodorod gazidan oqilona foydalanish hamda amaldagi me'yoriy talablarga rioya qilish bo'yicha iste'molchilarga targ'ibot va tashviqot ishlarini olib borishga;

k) gazdan foydalanish uskunasi tasdiqlangan jadvallar va tariflarga muvofiq har yili texnik va profilaktik ko'rikdan o'tkazilishini tashkil etishga;

l) iste'molchining buyurtmanomalarini bo'yicha texnologik va gazdan foydalanish uskunasi nosozliklarini maxsus jurnalda ro'yxatdan o'tkazgan holda bartaraf etish choralarini ko'rishga;

m) nosozliklar bartaraf etilganligi to'g'risida dalolatnoma tuzishga, keyinchalik uni uch yil mobaynida saqlashga majburdir.

3.3. Iste'molchi:

- a) suyultirilgan uglevodorod gazi belgilangan sifatda yetkazib berilishini talab qilishga;
- b) belgilangan sifatga muvofiq bo'lmagan suyultirilgan uglevodorod gazini qabul qilishni rad etishga;
- v) suyultirilgan uglevodorod gazi yetkazib berilishini vaqtincha to'xtatishni talab qilishga;
- g) suyultirilgan uglevodorod gazi yetkazib berishda tuzilgan shartnomani uzaytirishga yoki gaz ta'minoti tashkiloti tomonidan shartnoma majburiyatlariga rioya qilinmaganda uni yetkazib berish to'g'risidagi shartnomani bekor qilish huquqiga egadir.

3.4. Iste'molchi:

- a) suyultirilgan uglevodorod gazidan oqilona va faqat maishiy maqsadlar uchun foydalanishga;
- b) gazdan foydalanish uskunasini (individual, guruhli gaz balloni va rezervuar sig'im) o'rnatishga loyiha yoki eskizga ega bo'lishga;
- v) gazlashtirish loyihasi yoki eskizi saqlanishini ta'minlashga va uni gaz ta'minoti tashkiloti va vakolatli davlat organlari vakilining talabiga ko'ra ko'rsatishga;
- g) suyultirilgan uglevodorod gazi yetkazib berilganligi uchun tasdiqlangan tarifga muvofiq haq to'lashga;
- d) gaz priborlari va maishiy gaz ballonlaridan (individual, guruhli) xavfsiz foydalanishni va o'rnatishni ta'minlash uchun buyruq asosida mas'ul shaxs tayinlashga;
- ye) xonada, gaz priborlari va maishiy gaz ballonlari o'rnatilgan joylarda gaz hidi aniqlanganda darhol gazdan foydalanishni to'xtatish choralarini ko'rishga, xonani shamollatishga va bu haqda darhol gaz ta'minoti tashkilotiga xabar berishga;
- j) gazdan foydalanish uskunasini, maishiy gaz balloni (individual, guruhli) va shamollatish yo'llarini amaldagi normativ hujjatlarga muvofiq soz holatda saqlashga;
- j¹) gazdan foydalanish uskunasini tasdiqlangan jadvallar va tariflarga muvofiq har yili texnik va profilaktik ko'rikdan o'tkazishga;
- z) gazdan foydalanish uskunasini va maishiy gaz ballonini ko'zdan kechirish uchun gaz ta'minoti tashkilotining vakillari erkin kirishini ta'minlashga (tegishli guvohnoma ko'rsatilganda) majburdir.

IV. Hisob-kitoblar tartibi

4.1. Iste'molchi yetkazib beriladigan suyultirilgan uglevodorod gazining bir oylik hajmining Oldindan to'lanadigan pul miqdori (foizda) foizi miqdorida oldindan haq to'laydi. Uzil-kesil hisob-kitob suyultirilgan uglevodorod gazi haqiqatda yetkazib berilgandan keyin amalga oshiriladi. Hisob-kitob o'lchov birligi uchun belgilangan yagona chakana narxga muvofiq amalga oshiriladi. Belgilangan chakana narx o'zgarganda hisob-kitob o'zgargan narx bo'yicha amalga oshiriladi.

4.2. To'lov to'lov summasini iste'molchining hisob-kitob raqamidan o'tkazish yo'li bilan amalga oshiriladi.

4.3. Suyultirilgan uglevodorod gazi gaz ta'minoti tashkiloti tomonidan iste'molchi tomonidan to'lovni tasdiqlaydigan hujjat taqdim etilganidan keyin yetkazib beriladi.

V. Shartnomaning amal qilish muddati

5.1. Ushbu Shartnoma imzolangan paytdan boshlab kuchga kiradi va bir yil mobaynida amal qiladi. Shartnomaning amal qilish muddati tamom bo'lgach, agar taraflardan hech biri Shartnomani bekor qilish to'g'risidagi talab bilan murojaat qilmagan bo'lsa, u kelgusi yilga uzaytirilgan deb hisoblanadi.

5.2. Shartnomaga o'zgartirish va qo'shimchalar yozma shaklda rasmiylashtirilishi va taraflar tomonidan imzolanishi kerak.

VI. Taraflarning javobgarligi

6.1. Shartnomaviy majburiyatlar bajarilmagan yoki zarur tarzda bajarilmagan taqdirda taraflar qonun hujjatlariga muvofiq javob beradilar.

VII. Fors-major

7.1. Yengib bo'lmaydigan kuch holatlari (fors-major) – bu taraflarning irodasi va harakatlariga bog'liq bo'lmagan tabiiy hodisalar (zilzila, ko'chki, dovul, qurg'oqchilik va shu kabilar) yoki ijtimoiy-iqtisodiy holatlar (urush holati, qamal, davlat manfaatlaridan kelib chiqib import va eksportga taqiqlar va shu kabilar) tufayli kelib chiqqan, ular

munosabati bilan taraflar ushbu sharoitlarda qabul qilingan majburiyatlarni bajara olmaydigan favqulodda, oldini olib bo'lmaydigan va oldindan ko'rilmagan holat.

7.2. Taraflar, agar majburiyatlarni zarur tarzda bajarish uchun ularga bog'liq barcha choralar ko'rilganligini isbot qilsalar, aybdor deb hisoblanmaydilar.

7.3. Ushbu Shartnoma ijrosiga to'sqinlik qiluvchi fors-major holatlari yuz bergan taqdirda taraflar aloqa vositalari orqali bir-birlarini xabardor qilishlari kerak.

7.4. Gaz ta'minoti tashkiloti ishlab chiqaruvchi zavodlarda avariya yuz bergan hollarda suyultirilgan uglevodorod gazi yetkazib berilmaganligi uchun javob bermaydi.

VIII. Nizolarni hal etish tartibi

8.1. Kelishmovchiliklar va nizoli masalalar yuzaga kelgan taqdirda taraflar, qoidaga ko'ra, ularni sudgacha hal etish choralari ko'radilar.

8.2. Taraflar o'rtasidagi taraflarning o'zaro kelishuviga muvofiq hal qilinmagan har qanday nizomlar sud tomonidan hal etiladi.

IX. Yakunlovchi qoidalar

9.1. Taraflarning roziligi bilan ushbu Shartnomaga o'zgartirish va qo'shimchalar kiritilishiga yo'l qo'yiladi. Barcha o'zgartirish va qo'shimchalar yozma shaklda kiritiladi va vakolatli shaxslar tomonidan imzolanadi.

9.2. Ushbu Shartnoma Shartnomaning har bir tarafi uchun ikki nusxada tuzildi, har ikki nusxa bir xil yuridik kuchga egadir.

9.3. Ushbu Shartnomada nazarda tutilmagan holatlar qonun hujjatlarida belgilangan tartibda hal etiladi.

X. Taraflarning rekvizitlari

Gaz ta'minoti tashkiloti	Iste'molchi
Gaz ta'minoti tashkilotining nomi	Iste'molchining nomi
Pochta manzili: Gaz ta'minoti tashkilotining manzili	Pochta manzili: Iste'molchining manzili
XXTUT kodi: Gaz ta'minoti tashkilotining mulkchilik shakli	XXTUT kodi: Iste'molchining mulkchilik shakli
Aloqa qilinadigan telefon: Gaz ta'minoti tashkiloti telefon raqami	Aloqa qilinadigan telefon: Iste'molchining telefon raqami
To'lov uchun bankdagi hisob raqami:	Bankning nomi: Iste'molchining banki nomi Iste'molchining hisob raqami
Gaz ta'minoti tashkiloti hisob raqami	MFO: Iste'molchi bank kodi MFO
Bank nomi: Gaz ta'minoti tashkiloti banki nomi	STIR: Iste'molchi STIR raqami
MFO: Gaz ta'minoti tashkiloti bank kodi MFO	Rahbar F.I.O.: Iste'molchi rahbarining F.I.O.
STIR: Gaz ta'minoti tashkiloti STIR raqami	M.O' (imzo) _____
Rahbar F.I.O. Gaz ta'minoti tashkiloti rahbarining F.I.O.	
M.O' (imzo) _____	